

**Loca Infesta,|| Hoc est:|| De Infestis,|| Ob Molestantes||
Daemoniorvm Et Defvncto-||rvm Hominvm Spiritvs,
Locis,|| Liber Vnvs.||**

Thyraeus, Petrus

Coloniae Agrippinae, 1598

VD16 T 1247

De Rationibvs, Qvibvs Contingit liberari à molestiis, quas damnatorum
hominum Spiritus afferunt viuentibus.

[urn:nbn:de:hbz:466:1-61332](https://nbn-resolving.de/urn:nbn:de:hbz:466:1-61332)

Absolutis & examinatis modis duplicitibus, quibus partim contra Dæmoniorum Spiritus pugnatur: partim liberamur à molestijs, quas afferunt purgandi Spiritus: reliquum est, ut discatiamus Quomodo infestantibus Spiritibus hominum damnatorum sit occurrentum. hoc sequentibus aliquot Capitibus examinamus. Primum verò hic, in ordine totius Disputationis est.

CAP. LXXXIII.

Non deesse rationem viuentibus, qua se liberent à molestia, quam afferunt damnatorum hominum Spiritus.

Vnt, qui vel nullam, vel certè mortalibus ignotam existimant esse rationem, qua viuentes se à Spirituum damnatorum hominum molestia liberare valeant. Et forsitan non temerè. Neque enim apud hos illi modi videntur seruire; quibus Dæmonum profligantur Spiritus: neque alij, quibus purgandorum animæ iuuantur: propterea, quod ut ab illis, ita ab his Spiritibus damnatorum hominum Spectra plurimum differant.

2. Nec videntur hic supereesse rationes aliae. Quæ enim illæ sunt? Illænæ, quarum initio mentionem fecimus? imprecations? verbæ? distrigladij? ignes? &c. Verùm cùm hæ in nullos Spiritus vires habeant; apud damnatorum hominum Spiritus quid promouebunt?

3. Veruntamen ex tribus: ni fallimur; colligitur non deesse etiam viuentibus, sua arma, quibus se ab horum Spirituum molestia tueantur, atq; defendant. Principiò quidem, ex horum cum aliorum Spirituum collatione. Tum deinde, ex conditione societatis, quæ est inter Christianos. Tertiò denique ex iis, qui ad molestias, quas damnatorū Spiritus afferunt, concurrere, & quovis modo operam suam conferre videntur.

4. Medium inter purgandos hominum, & damnatos Dæmonum Spiritus

Spiritus, in hac molestandi ratione obtinent illi, de quibus nostra
iam Difputatio est, Spiritus. Cum igitur ab illorum molestia, nos
charitatis, quae pro illis sunt, officiis; ab horum Christianæ reli-
gionis præstantissimis præfidiis liberemus; homum molestias excute-
re non valebimus?

Si licet studiu[m] molestandi horum multò maius, quām pur-
gandorum Spirituum: n[on] tamen maius Dæmonum. Et quamuis
magnæ ipsorum vires: multò tamen inferiores sunt viribus Dæ-
monum. Quod igitur erga hos valemus, illud erga illos non poter-
imus?

Societas Christianorum illa est conditio; ut Rem publicam, quan-
dam constituat. Hoc cum alia multa, tum in sacris literis s[ecundu]m p[ro]p[ter]eissimum
Regni celorum compellatio, qua illam Dominus notat, indicat.
quod igitur unaquæque Res publica habet, ut se aduersus hostes tuea-
tur atque defendat; hoc, optimè à Christo Domino constitutæ
Reipublicæ, erit negatum? Sola hæc aduersus suos hostes se tueri;
ab ipsorum molestia se liberare non poterit? An fortè hi spiritus
hostes non sunt? Cur igitur molesti sunt? cur pacem inuident?
terrificamentis cruciant?

N[on] sunt subiecti viuentibus hi spiritus, dicit aliquis. extra
Christi sunt Ecclesiam. Ita est. Et ob eam causam, cum ipsis non
tanquam nobis subiecti agimus; sed tanquam cum hostibus: qui
quamvis iure subiecti non sunt; nobis tamē se subiiciunt, hoc ipsis;
quod nobis molesti sunt: faciuntque, ut naturæ iure liceat pro-
pulsare à ceruicibus nostris molestias; quas præter ius nobis affe-
runt.

Tres omnino esse videntur, qui ad molestias has concurrunt. Ipse
defunctorum animæ; quæ excitatis tumultibus, & terrificamentis
nos fatigant. Dæmones, quorum opera, corpora, quæ spiritibus
seruiunt, componuntur & formantur. & Deus; quo vel permit-
tente, vel præcipiente hic omnia sunt. Cuius verò ratione fieri
negabimus, ut à molestia hac nos vindicemus?

Demonstratum est, iam nec tantas esse vires horum Spirituum;
nec tantam malitiam, quanta ipsorum est Dæmonum. Omnino
igitur, si à Dæmonum molestia possumus; ut possumus, ab horum
infestatione atque insultibus expedire nos poterimus.

An fortè, contra Dæmones vires nobis desunt? At à Dæmonū,
creaturarumque omnium Domino, sufficientissimæ in Dæmones
sunt collatae. Ecce, inquit Dominus, dedi vobis potestatem calcandi
super Dæmones.

Oo 3

Neque

1. Neque nobis hic Deus ipse est impedimento. Quamuis enim in ipso nunc permittente, nunc imperante tumultibus suis molesti sunt, Spiritus: ita tamen molesti sunt; ut quemadmodum ab illius voluntate pendet, quod siant; sic quod cessare debeant. & hoc quidem nostris precibus urgentibus potest clementer concedere; quemadmodum illud sua iustitia postulante permettere. Sed ad modos. Et primo *alios* excludamus, tum *veros* probemus.

CAP. LXXXIIII.

Non valere contra dammatos hominum Spiritus, eorumq; molestias, quibus loca reddunt infesta, illas rationes, quibus viuentes se expediunt à molestiis, quæ à purgandis Spiritibus affruntur.

2. **D**isse tolli molestias, quæ à damnatorum Spiritibus, certis locis excitantur, demonstratum est. Sequitur ostendamus, quibusnam rationibus tollantur: iisne, quibus contra infestantes Dæmones depugnamus: an quibus utimur contra illas purgandorum spirituum; an aliis aliquibus. Rem *dubius* Assertionibus includimus. Prior hoc Capite explicanda est.

3. Hæc est: Rationibus, quibus contra molestias, quæ à purgandis Spiritibus affruntur, utimur; contra damnatorum hominum spiritus nequaquam agendum est. Causa fieri non est, quia neque hoc nomine hi Spiritus molesti sunt, quo illi purgandi: neque si essent, his rationibus contentare, atque aggredi licet.

4. Quo nomine damnatorum hominum Spiritus molesti sunt, superius capite decimo tertio demonstratum est. Quod vero, non in deinceps atque purgandis propositum sit, dubitare nemo debet. Purgandi, ut viuentium opera iuvetur, importuni sunt: hi semper salutis nullam habent. Qui vero, quod iuuari possint, desperant; ut iuuentur petere possunt?

5. Quod si à morte, vel non id poenas mox raperentur: vel si raperentur, Iudicis sententiam non perciperent ante hi spiritus, quam yniuersale omnium mortalium futurum est iudicium: vel etiam

etiam, si post latam à morte sententiam sperarent ad ipsam mutandam aliquando, aut saltem mitigandam: possent forsitan ad viuos redire, tumultuque suo atque molestia viuentium operam implorare, ut vel ad supplicia, quæ meruerunt, non damnarentur; vel ab ijs, quæ sustinent, subleuarentur: at horum nullum apud infelices locum habet.

Mox post mortem ipsos merita sequuntur supplicia, facile est coram 5.
Deo, dicitur Eccl. 11. in die obitus retribuere vnicuique secundum vias suas.
Ducunt in bonis dies suos, inquit lob. cap. 21. & in punto ad inferos descendunt. Diues Epulo, mox, ubi mortuus, in inferno est sepultus, Lucas 16. & mox in tormentis hanc edidit vocem: Crucior in hac flamma. Si mox beatos sua sequitur gloria; impiorum in longum tempus differuntur supplicia? Postquam diem tuum obieris, inquit Chrysost. Hom. 3. in Matthæum, iudicium & pœna consequitur: Vide Franciscum Soarez Tomo 2. in tertiam partem Diui Thomæ, Disputat. 52.

Sic mox, post mortem, iudicis fertur sententia, & non ad communem 6.
vsg, carni differtur resurrectionem, quidquid dicat Lactantius libro 7.
diuinorum Inst. ca. 21. Pulchre Apostolus Paulus, ad Hebreos 9. ca.
statutum est, inquit, omnibus semel mori post hoc autem iudicium, iam, in-
quit Beatus Augustinus libro 2. de Origine animæ, capite 4. illud
salubriter credit, & rectissimè iudicari animas, cum de corporibus exie-
rint; Antequam veniant ad illud iudicium, quo eas oportet iam redditus
corporibus iudicari. Aiunt, inquit Damascenus Oratione de defunctis,
viri diuinitus illustrati, quod cum exhalamus spiritum, quasi in libra, huma-
na opera probantur. Et si ipsa mox mortem sequuntur supplicia; differri
potest sententia, quæ supplicia præcedit?

Nec spes miseris esse potest, quod vel tormentorum aliquando futu- 7.
rus sit finis; quia æternus est ignis, qui cruciat vel pœnarum acerbi-
tas possit mitigari quia ut irrevocabilis; sententia, ita confans at-
que perpetuum supplicium. Alicuius mitigari eam, cui traditus est,
pœnam; vel quibusdam internalis habere aliquam pœnam, quis audacter
dixerit? inquit B. Augustinus in Psal. 105. quandoquidem unam stillam
dines ille non meruit?

Fortè de iudicis voluntate dubitare possunt miseri. Pos- 8.
sent, si per Angelos, sive bonos, sive malos, hæc ipsis inno-
tesceret; ipsique iudices essent. At Angeli iudices non sunt. Sen-
tentia per Angelos non fertur. fertur per ipsum, de cuius vo-
luntate non debent ambigere; iudicem, aut Angelos; iu-
dicis personam sustinentes. Scriptum est, (2. Corinthiorum 5.)

Omnis

Omnis nos manifestari oportet, ante tribunal Christi ut referat unusquisque propria corporis prout gestus, siue bonum, siue malum. Et rursus (Rom. 14, 12) Omnes stabimus ante tribunal Christi. Et unusquisque nostrum proportionem reddet Deo.

9. Quæcum ita sint; credi non debet auxiliij consequendi gratia ad viuos redire damnatorum hominum Spiritus; aut hanc ob causam esse molestos, ut viuentium opera iuuentur. Sed faciam usita esse hoc fine esse molestos. ignorare etiam quæ status ipsorum sit conditionis. Nobis tamen iis rationibus, quibus purgandis spiritibus succurrimus, his subuentre neque quam licitum est: preterea, quod citra salutis dispendium, hos damnatorum hominum spiritus nostris sufficiente iuuari posse, nequaquam credere possimus; tam abest, quod iuuare debeamus.
10. Ea est damnatorum conditionis, ut neque a paenitentiis quibus adiudicatis sunt, possint liberari unquam, neque in ipsisdem leuamen unquam expellere. Hoc quam sit certum, atque indubitatum; quam firmacostitutaque fide tenendum atque defendendum, postquam probatum erit, finem capitii inponemus.
11. Ecclesiasticæ hic primum sententia est, cap. 11. Si ceciderit, inquit ille, lignum ad Austrum, aut ad Aquilonem; in quounque loco ceciderit, ibi erit. Ad Austrum cadunt salvandi, ad Aquilonem damnandi. Manent singuli suis locis illi in æternum felices, hi in æternum miseri. Ibi unquamqueq; inquit D. Bernardus (Sermone 19. ex paruis) iudicabit Deus, ubi inuenierit. ibi, inquam, erit immutabiliter & irrefractabiliter.
12. Secundò, hic seruit Regius Propheta, Psalm. 6. Conuertere, inquit, Domine, & eripe animam meam: saluum me fac propter misericordiam tuam, quoniam non est in morte, qui memor sit tui: in inferno autem quis confitebitur tibi? quasi dicat, Nullus sane. Nulla ratione fieri potest, ut quis tibi aliquando confiteatur, ad te conuertatur, peccas illius loci euadat.
13. Tertiò, dictis astipulatur Isaías Propheta, cap. ultimo. Vermis eorum (damnatorum) non moriuntur & ignis eorum non extinguitur. à Eorum est vermis; si Eorum est ignis; ipse autem vermis non moriatur, & ignis non extinguitur; omnino necesse est & illos, quorum est vermis, atque ignis, perpetuo in igne miserè viueret, & verme torqueret.
14. Audiamus Dominum: Bonum est tibi (inquit ille, Mar. 9.) claudum int ore in vitam æternam; quam duos pedes habentem mitti in gehennam ignis inextinguibilis: ubi vermis eorum non moriatur, & ignis non extinguitur. Idem clarius, Matt. 25. Discedere à me maledicti, in ignem æternum, qui

PARS TERTIA,

295

qui paratus est Diabolo, & Angelis suis. Et ne quis crederet ignem aeternam, & non aeternum in igne cruciatum; subiungit. Et ibunt hos in Supplicium aeternum; iusti autem in vitam eternam.

Cum Domino consentit discipulus, Domino dilectus; in revelatione sibi diuinitus facta, edoctus, Apocal. 20. Diabolus inquit, qui seducebat eos, missus est in stagnum ignis, & sulphuris: ubi bestia & Pseudopropheta cruciantur die & nocte, in secula seculorum.

Hinc communis illa Ecclesiæ vniuersalis, cum B. Athanasio, 26. confessio. Qui cunque vult saluus esse, ante omnia opus est, ut teneat Casticam fidem. Quam illam? Qui bona gerunt, ibunt in vitam eternam: qui verba mala, in ignem eternum. Et pulchre Innocentius II l. lib. de Contemptu mundi, cap. 10. Iustum est, inquit, ut quod impyis in suo preuaricatur aeterno, Deus vlciscatur in suo aeterno.

Atque hinc esse dicam, ut oratio, quæ pro damnatis instituitur, frustradicatur suscipi. Qui sine fide, inquit B. Augustinus ex sententia Magistri, in 4. d. 45. per dilectionem operante discesserunt; frustra illis a suis pietatis officiis impenduntur. Idem 24. Moral. habet B. Gregorius.

Quid, quod ipsa etiam prohibita sit? Est peccatum ad mortem, 27. inquit sanctissimus Theologus Ioannes, 1. cap. 5. non pro illo dico, ut roget quis. Et B. Gregorius Bonifacio (habetur 13. quest. 2. cap. Pro obsecuntibus) non licet pro defunctis impyis, quemvis Christiani fuerint, oblationes offerre, &c.

Quocirca bene B. Augustinus, lib. 3. cap. 12. sic loquitur: Noli dicere, noli credere Suffragia Christianorum pro ijs, qui non baptizati de corpore exierunt, offerenda, si viu esse Christiani. Et ipse: Si scirem, inquit, matrem meam esse in inferno, non magis pro illa orarem, quam pro Diabolo. teste Soto in 4. Sentent. d. 45. q. 2. art. 2.

Itaque, ut cum B. Gregorio loquar (4. Dialog. cap. 44.) Non orant sancti homines pro hominibus infidelibus, impyisq; defunctis: quia pro ijs utiq;, quos aeterno deputatos suppicio iam nouerunt; ante illum Iudicium justi conspectum orationis sue meritum cassari refugunt. Ita Gregorius.

Ex dictis non solùm hoc colligimus, Suffragiis nostris damnatorum Spiritus non iuuari; sed frustra quoque esse, atque cum animis nostris detimento his Spiritibus suffragari velle, atque suffragari.

Colligitur secundò, in graui eos versari errore; qui damnatorum Spiritus aliquando ex suppliciis, quæ grauissima perpetiuntur, putant eripiendos: quo nomine, cum quibusdam, non bene audit Origenes; qui nescie quos animarum itus & reditus, ut B.

Pp Augusti

DE LOCIS INFESTIS

293 Augustinus loquitur, excogitauit. Huius erroris originem notant Epiphanius, Epist. ad Ioannem Hierosolymitanum, Hieronymus in capite 3. Ionæ, Gregorius 9. Moralium capite 45. & 46. & libro 34. cap 12. & 13.

23. Cum Origine coniunxero, quos idem B. Augustinus refutat, 21. de Ciuitate Dei, cap. 17. & sequentibus: qui in nouissimo iudicio propter intercessiones Sanctorum, neminem hominum prius esse damnandum: eos quoque, qui impunitatem omnium peccatorum promittunt aliquando, etiam Hereticis, propter participationem corporis Christi: denique illos, qui non omnibus, sed iis tantum, qui a. pud Catholicos sunt regenerati, etiam si postea in multa criminis, erroresque proruperint, indulgentiam pollicentur, &c. de quibus plura loco citato Beatus Augustinus. Nullus omnino damnatis spes salutis reliqua est.

24. Nc assertioni nostræ repugnat, quod Psalmo 76. dicitur: Nunquid obliuiscetur miseri Deus, aut continebit in ira sua misericordias suas: De riuis enim est sermo Prophetæ, qui quamdiu spirant, sperare possunt; sibiisque Dei misericordiam promittere. Mortuorum longè alia est ratio. Misericordia illi prorsus indigni, qui misericordiæ tempus turpiter neglexerunt. Quamquam B. Augustinus libro 21. de Ciuitate Dei, capite 24. ad probos solùm venit pertinere, quod à Prophetâ dicitur, Deum misericordias suas in sua ira non contenturum.

CAP. LXXXV.

Iisdem rationibus proscribi Spiritus hominum damnatorum: eorumque infestationes atque molestias tolli, quibus Spiritus Dæmonum ipsorumque molestiae proscribuntur

Et tolluntur.

Non prodesset damnatorum hominum Spiritus suffragia, quibus purgandæ animæ iuantur; nec hisce ab ipsorum molestiis quas afferunt, viuentis liberari demonstratum est. An illis machinis oppugnandi sunt, quibus contra Dæmones depugnatur? Ita omnino censemus: licet ut assentiamur, hic tam firmis argumentis, ut ibi, non inducamur. Atque hæc secunda nostra assertio est; quam sequentibus, & explicamus & propositio.

Et principiò, haud obscurum est, pro nobis tam firma praesidia

bis

hie, ut ibi, non esse. Ibi exemplorum abundamus syllabus; quibus probabamus & Reliquarum; & Sancte Crucis, & Rerum consecratarum vsu Dæmones profligari. Ecclesiæ præterea nitebamus authoritate; quæ hoc ipso probat rerum harum alias contra Dæmonum valere insultus; quod hoc nomine consecrantur, consecratæ vero Christiano populo in hunc finem offerantur; alias Dæmonibus per se esse molestas hic utroq; videmur destituti. Nec enim exempla obvia sunt. Orationes etiam atque Exorcismi, quibus contra Spirituum molestias Ecclesia utimur, contra Dæmoniorum Spiritus tantum instituta videntur.

Nihilominus etiam his machinis, vel prorsus iisdem vel parum immutatis contra damnatorum hominum Spiritus feliciter nos pugnare posse credimus: credetq; nobiscum, qui quæ & machinarum illarū ratio, & quæ Spirituū horū conditio sit, diligenter secum expendere velit.

Incredibiliē & Vatiniano odio Deum Opt. Max. prosequuntur damnatorum hominum animæ. Hęc ipsarum conditio. Machinae nostræ quibus contra Dæmones pugnandum docuimus, Deo vehementer placent. Hęc ratio machinarum. Quid ex utroq;? Damnatorum hominum Spiritus illas fugere atque detestari. Quomo^d vero? Quia ita natura comparatum est, ut quorum odio flagratus, quosue detestamur; eorum non solum non præsentiam feramus, sed neque quidquam ipsorum, quæ ipsis vel chara, vel quomodo cunq; coniuncta sint, sustineamus.

Quod inferimus, rectè inferri quiuis facile intelligit. At non ita facile, quod ponimus; Odio Vatiniano Deum prosequi damnatorum hominum Spiritus: Machinas item quibus contra Dæmones pugnamus, Deo vehementer placere, & gratas esse: At non minus virūq; certum est.

Pro impiorum Spirituum, erga Deum odio grauissima est sacrarum Scripturarum authoritas, omnium Patrum calculo confirmata. Superbia (dicitur Psal. 73.) eorum, qui te oderunt, ascendit semper. Hanc enim sententiam, quamvis ad alios pertinere dubium non sit; in damnatos tamen hominum Spiritus, atq; item Angelicos conuenire maximè, constans omnium sensus est & consentius.

Sed & si ad voces, damnatorum attendamus, quod dicimus, facile probabitur. Plenæ sunt damnatorum hominum voces & blasphemiarum: plenæ irarum: plenæ concupiscentiarum. An blasphemiarum ab amico animo in eum, in quem inuocantur & expectantur, proficiuntur? Fortè in Deum blasphemati non sunt damnatorum hominum Spiritus? Sunt maximè. Maledicent, inquit Innocentius

III. libro 3. de Contemptu Mundi, cap. 10, altissimo. & blasphemabunt ex eis: conquerentes eum esse malignum qui creauit eos in pœnam: & nunquam inclinatur ad veniam. Audi Ioannem in Apocalypsi capite 16. dicentem: Grandio magna descendit de celo in homines, & blasphemauerunt homines Deum propter plagam grandinum: quoniam magna facta est vehementer. Ita Innocentius.

2. Scrutemur odij causas. Multæ & magnæ in damnatis spiritibus inueniuntur. Odium, inquit Gregorius Nissenus 8. in Ecclesiast. est aueratio ab eo, quod molestia afficit. Quanta verò molestia miseros damnatorum Spiritus afficit Deus? Priuat bonis: grauat malis. quantis & quot?

2. Omnibus donis, quibus in hac vita frui potuerunt, priuati sunt damnati. Quod si quedam, quæ natura concessit, retinent, illa ipsa malorum & pœnarum sunt teges & materia. sed hoc maximum (pœnam damni vocant Theologi) quod Dei Opt. Max. conspectu frui ipsis negatum est. Quocirca Sanctus Augustinus, postquam plura damnatorum damna recensuisset: Absentia, inquit, præsemie Christi, quoad visionem eius, sola omnia prædicta mala superat; & omnibus peni est intolerabilis. Ita ille de Triplici habitaculo, cap. 2.

10. Sic terrante malorum omnium obruti sunt. quæ cùm sacræ literæ satiæ explicare nequirent; quibus potuerunt, vel huius vitæ graibus pœnis, vel quæ grauium pœnarum essent inditia adumbrarunt: ut sunt exteriorest tenebrae, dentium stridor, fletus, gemitus & ciuitatus, stagnum ardens igne & sulphure, frigeranius, nimis calor, desiderium mortis, tribulatio, qualis non fuit ab orbe condito. &c.

ix. Eadem quodā modo adumbrat Cassianus, in Confess. Theologica, parte 3. Quis, inquit, diceret valeat, qua impijs. & male viventibus tormenta sint preparata? In ipso enim continua mortuus loco, qui infernum appellatur; quid aliud nisi iugis flamma, perseuerans tribulatio & perpetua pena, atque infinita totius mali calamitas esse posset? igne autem fluius, & fædæ palis complectens omnia. Ibi sane atrocies Angeli commovantur, quorum brachia sunt, ut capita draconum; quorum oculi ignes ex se sagittas emittunt: quorum dentes, ut Elephants, prominent; & stimulant ad tormentum, ut cauda scorpionum: quorum aspectus tremorem inducit & dolorem atque mortem. Atque ut in am mors possit in his subuenire angustijs. Sed quod est horribiliter ad hoc vivit in tormentis positum, ut crucifixibus gubernetur; ad hoc redintegratur, ut rosus serpentibus, & iteratis subinde iterumq; repetitis mortibus attrectetur. Illic v lulatus & planctus, gemitus & mugitus continuè sonant, simulq; clamor confusus ubique astollitur, quem durat tormentum vi exagitat, & incendij arsura extorquet. Et quæ sequuntur.

Sed

Sed duo sunt, quæ hanc pœnam augent; *acerbitas*, atque *dura-*
tio. *Intensissima* est, quam miseri patiuntur. Nihil est chiragra in
 manibus; nihil cholica in ventre; nihil podagra in pedibus; nihil
 dolor dentium in ore; calculi in renibus; si cum pœnis infernali-
 bus, vel illorum malorum aliquod, vel omnia simul conferan-
 tur. Ethis morbis unum aliquod membrorum affigitur. Quid si
 omnes morbi iam dicti hominem crucient? quid si in omnibus
 membris crucient? nonne res propemodum intolerabilis. Rur-
 sus, cum hic patiuntur, non desunt colloquia amicorum, comme-
 ditas lecti, aliaque vitae solatia. At ibi nulla pars, vel membrum,
 à tortura vacabit: nulla unquam consolatio. Pro lecto candens
 stratum: pro refrigerante aère, ignis; pro suavi odore, fœtor suf-
 focans: pro amicorum solatio, irrisiones, contumeliaz, maledicta
 Dæmonum.

Auget & miseriam eius duratio. Perpetua misericordia est pœna.
13.
 Cremabit, inquit B. Cyprianus, lib. ad Demetrianum, addicetos ar-
 dens semper gehenna. Et viuacibus flammis vorax pœna: nec erit unde tor-
 menta vel requiem possint habere aliquando, vel finem. Seruabuntur cum
 corporibus suis anime infinitis cruciatibus ad dolorem. Et B. Bernardus
 lib. Meditationum cap. 3. Procul, inquit, à beatapatria exulati, cry-
 niabuntur in gehenna Perpetua: Nunquam lucem visuri, nunquam refrige-
 rum adepturi: sed per millia millium annorum, in inferno, cruciandi: nec in-
 de nunquam liberandi: ubi nec qui torquet aliquando fatigatur; nec qui tor-
 quetur, aliquando moritur. Sic enim ignis ille consumit, ut semper reseruet:
 sic tormenta aguntur, ut semper renouentur.

Quantum verò huius æternitatis cogitatio cruciat? In hac vi-
 ta, quidquid diuturnum est, molestum est, & graue. Et si grata
 quies; tamen si sano duos annos in lecto molli continenter cuban-
 dum esset, non ferret diuturnæ quietis laborem. Quid si verò
 unius anni graues calculi labores ferendi? quanta hæc miseria? At
 ad pœnas inferni nihil huius vitae dolores: nihil seruens oleum:
 confractio ossium: scorpiones, & sexcenta grauissima mala. Quæ
 igitur miseria, in perpetuum, infernalia tolerare supplicia? Nimium
 longū, quod æternum. Bonae esset cōditio misericordia; si tot milli-
 bus annorū infernales pœnæ essent sustinendæ, quot unquam fuerūt
 folia in arboribus; quot sunt arenæ in littore maris; quot guttae in
 vastissimo mari. Sed in eternū pati, nullæ annorū miriadib⁹ absolutur.

Neque ex his odium damnatorum Spiritum erga Creatorem
 suum, tantum crescit; verum etiam ex omnibus, quæ ipsis diuinitus
 collata sunt, beneficiis; qualiacunque etiam illa sint. Præbent ma-
14.

teriam maioris odij erga Deum bona fortune, quibus dum corpora fouverent, abundarunt quoniam hæc ad maiora ipsis seruiunt supplicia. Præbent bona corporis, atq; anime; quæ dolent se à Deo, iam male expensorum rationem exigente, accepisse. Præbent beneficia omnia, quæcunq; in vniuersum genus Filius Dei trigesita, & pluribus, quibus nobiscum annis versatus est, contulit. quoniam & hæc pœnarum augent acerbitatem.

16. Magnum igitur eodium damnatorum hominum erga Deum. Et poterunt hi Deum æquo animo ferre? poterunt quicquam,

quod Deo clarum, gratumq; sit, probare? poterit placere, quod ille probat? Sed fortè arma quibus contra Dæmones pugnatur, Deo grata non sunt. Fortè non placent. Sunt gratissima. placent vehementissimè. Docemus de singulis; sed, pro instituti ratione, breuissimè.

17. Pro Crucis signo sunt infinita, quæ per illud Deus Opt. Max operari dignatus est, omnibus omnino temporibus. quæ quam sint vera; quam magna, docet de Dæmoniacis Disputatio. Addo & hoc nomine placere, quod memoriam refriceret amarissimæ Filii eius passionis; quam cupid ille apud nos, iugem esse, atque perpetuam: quod de diuinis rebus mentem admoneat, quænon potest ipsi non placere, qui mortalium cogitationes cupid esse abstractissimas à rebus terrenis, & coniunctissimas diuinis. Quid, quod Crux Filij Dei triumphum, vel maximè sit exornatura? Quando enim cum maiestate magna atq; potestate venturus est, rationem cum mortalium generi vniuerio politus. Tunc, inquit Dominus, patebit signum Filij hominis in cælo. Matth. 24.

18. Similia pro Reliquijs afferre possumus. Neq; enim quemquam clam est, quām sint omnem propemodum fidem humanam suprantia, quæ ad Sanctorum Reliquias Deus fieri voluerit. Docet & hæc de Dæmoniacis Disputatio. Potestne Deus non eorum magnificere pignora; quos promisit se benedicturos? glorificaturos? omnibus malis erupturos? quibus virtutem miracula patrandi in hac vita contulit? & quidem tot, ac tanta; quare Filius eius von patrauit? quos vniuersus mundus iudices in extrema illa expectat die? quibus darum accumbere in Regno cælorum, ubi ministrum agit Filius Dei?

19. Placere Deo Orationem dubitat nemo. Ipse illam consulit. ipse precepit, ipse modum orandi prescribit. Sed & ad orandum mutant studiosissimè. Quibus vero rationibus? suo exemplo, maxima promissione. rebus maximis oratione vel confessis, vel impreatis. ut interim pulcherrimaru virtutum cumuluni omittant, quæ cum oratione coniunguntur, & Deo plurimum placent.

Fortè